

U sklopu projekta Javni gradski prijevoz III dio Ministarstvo saobraćaja Kantona Sarajevo je pokrenulo nabavku konsultantskih usluga za izvršenje zadatka “Ugovor o javnim uslugama i reforma tarifnog sistema”. Nabavka se finansira iz sredstava tehničke pomoći Europske banke za obnovu i razvoj - EBRD-a i nabavka se provodi u skladu procedurama ove banke.

Cilj ovog zadatka je pripremiti:

- 1) Ugovor o javnim prijevoznim uslugama između KJKP GRAS-a i Kantona Sarajevo,
- 2) Reviziju postojećeg sistema izdavanja karata i
- 3) Novu tarifnu metodologiju za usluge javnog prijevoza u Kantonu Sarajevo.

Konsultant će izvršiti sjedeće zadatke:

1. Pripremiti Ugovor o javnim prijevoznim uslugama za KJKP GRAS na osnovu odgovarajućih podsticaja zasnovanih na uspješnosti i uspostavljenih operativnih kontrola za pružanje usluga javnog prijevoza, ali će posebno biti prilagođen strukturi i specifičnostima Kantona Sarajevo. Ugovor o javnim prijevoznim uslugama i prateći sistemi praćenja koji se trebaju razviti, trebali bi slijediti minimalni sadržaj naveden u Uredbi EU 1370/2007.
2. Razmotriti postojeći sistem naplate karata, uključujući pojedinačne karte i karte za sve vidove javnog prijevoza; i predložiti novi pristup prodaji karata ili poboljšanja postojećeg sistema.
3. Razviti novu tarifnu metodologiju za usluge javnog prijevoza kako bi se osigurala pokrivenost troškova uzimajući u obzir ograničenja pristupačnosti prijevoza u Kantonu te pripremiti tarifni plan koji će Kanton odobriti.

Sve informacije o nabavci konsultantskih usluga možete pronaći na ECEPP portalu Europske banke za obnovu i razvoj – EBRD.

Link za obavještenje o nabavci:

<https://ecepp.ebrd.com/delta/viewNotice.html?displayNoticeId=12085465>

Link za registraciju na portal:

<https://ecepp.ebrd.com/delta/signup.html?userType=supplier>